

## **NEKAZAL SEKTOREA SUSTATZEKO 2026. URTEKO DIRU-LAGUNTZAK ARAUTZEKO OINARRIAK ETA DEIALDIA.**

### **HERNANIKO UDALA**

#### **ARRAZOIEN AZALPENA**

Hernaniko nekazariei diru-laguntzak ematea herriko elikadura burujabetza sustatzeko.

Hernaniko Udalaren Tokiko Garapenaren arloak misiotzat du Hernaniko biztanleria guztiaren ongizate materiala bermatzeko baliabide ekonomikoak sortu eta biztanleriaren esku uztea, herritarrek modu jasangarri, parekide, berdinzale eta parte hartzailean kudeatu eta dinamizatu ditzaten.

Ekonomiaren sustapena misiotzat duen departamentu honentzat estrategikoa da 1go nekazal sektorearen sustapena.

Egun, elikagaien ekoizpena kanpoko logiketan txertaturik dago zeharo, ekoizpen prozesuaren parte diren elementu guztiak kanpoko eragileen estrategien baitan kokatzen direlarik. Honen adibide esanguratsua da EAE-n kontsumitzen diren elikagaien %5a besterik ez dela bertan ekoitzia, hau da, gainontzeko %95aren ekoizpena, banaketa eta kontsumoa nazioarteko lan banaketaren fluxuen arabera antolatzen da.

Honek egiturazko ondorioak dauzka bai gure lurraldeetan zein gure elikagaien ekoizpena egiten den lurraldeetan, dependentzia harremanen eragile eta ondorio diren heinean.

Batetik, Nazioarteko Lan Banaketaren arabera ematen den espezializazio produktiboan oinarritzen da eta hartan sakontzen du, periferiako herrialdeak elikagaien esportaziorako ekoizpen monokultibista, intentsibo eta industrialera kondentzen dituelarik, dependentzia sakontzen duen eredu extrabertitua sustatuz. Esan gabe doa lurralde hauen elikadura burujabetza eta segurtasuna deusezten dituela, nekazarien pobretze prozesuak indartuz.

Bestetik, eredu honek gure lurraldearen desartikulazio, artifizializazio eta dependentzia prozesua eragiten du, nekazal sektorearen desagerpen teknikoa eraginez, BPG-aren %1-2, eta elikadura segurtasuna kanpo merkataritza fluxu (zaugarrien) esku utziz. Esan gabe doa, eredu honek gure osasunaren narriadura eta gure gizartearen akulturazioa eskutik dakartzala.

Azken urteotan baina, ugariak dira eredu honi aurre eginez, tokian tokiko alternatibak eraikitzen diharduten agenteak; ekoizle, nekazal sindikatu, eragile sozial eta kontsumitzaileek sortutako antolamendu eredu berrien bidez, lurraldearekiko, tokiko ekonomiarekiko, osasunarekiko eta tokian tokiko kulturarekiko elkar-erantzulea den eredia eraikitzen ari direnak. Alternatiba hauek, elikadura subirautea aldarrikatu, eta paradigma sozial, ekonomiko eta ambiental berri bat ari dira gauzatzen, nazioartean gero eta indartsuagoa den mugimendu sozial anitz eta emankorra sortuz.

Honek guztiak, mugimendu honen marjinaltasuna eragiten du; eragiten dituen onura ekonomiko, sozial eta ambientalen eragin esparrua guztiz bazterrekoa izatera kondentatuz.

Horrenbestez, goian aipatu bezala, nekazal sektorearen balio katea osatzen duten azpisektore guztietan eragiteko beharra begiztatzen zaigu parez pare, bertako ekoizpena, azpisektore horien guztien elementu zentralizat kokatu, eta gure lurraldearen garapen estrategietan traktore izateko eskaintzen dituen aukerak aprobeztatu ahal izan ditzagun.

Proiektu honen hipotesi nagusia da bertako nekazal produktuaren kontsumoa nagusi izango litzatekeela, herriko biztanleek ohiko distribuzio kanalen bidez modu errazean eskuratzeko aukera izango balute. Horretarako, ezinbestekoa da tokiko nekazal sektoreko balio katea osatzen duten eragileen arteko artikulazioa bilatzea, eragile hauetako bakoitzak bertako produktua ekoiztu, transformatu, banatu, merkaturatu eta kontsumitzerako orduan dituen arazoei aurre egiteko sistema integratu bat eratuz. Helburu honekin, "Hernani KM0: Bertako Sarea" proiektua garatu nahi dugu,

administrazioen, ekoizleen, transformatzaileen, banatzaileen, merkatarien eta kontsumitzaileen arteko harremanak sustatu eta egituratuko dituen estrategia konpartitu bat sortuz.

Horretarako, ekoizpen-merkaturatze zirkuitu laburrak ehundu ditugu jantoki publikoen (klausula ambientalak) eta denda-jatetxe pribatuen bidez (bertako ekoizpena saltzen duten establezimenduak bisibilizatuz eta balioan jarriz); eta, ekoizpena eta nekazari kopurua handitzeko lur berrien eskuratzea eta aktibazioa sustatu ditugu ekimen publikoaren bidez.

Aipatu bezala, proiektu hau balio kateko eragile guztien arteko elkarlanean oinarritzen da, bai balio katean kokagune berbera daukaten eragileen, zein, kokagune ezberdina daukatenen artekoa ere.

## **I. KAPITULUA**

### **XEDAPEN OROKORRAK**

#### **1. artikulua.- Xedea.**

Deialdi honen helburua Hernaniko udalerriko elikadura burujabetza sustatzeko diru-laguntzak emateko modua arautzea da.

Diru laguntza honek lerro bakarra dauka.

1- Tokiko nekazarien eta abeltzainen ekoizpena eta banaketa sustatzeko jarduerak.

#### **2. artikulua.- Organo eskuduna.**

Oinarri hauek onartzeko eskumena duen organoa Tokiko Gobernu Batzarra da alkateak 2019ko irailaren 10ean emandako eskuordetze Dekretuaren arabera.

#### **3. artikulua.- Aurrekontuko diru hornidura.**

Deialdi honen helburuak lortzeko 20.000 euroko diru kopurua aurreikusi zen 2026ko ekitaldiko udal aurrekontuaren ondorengo partida honetan:

1 1510.471.01.439.00 2026 (6823)

DIRU-LAGUNTZA NEKAZARITZA.

#### **4. artikulua.- Interpretazioa eta araubidea.**

Diru-laguntza emateko ardura duen organo berari dagokio oinarri hauen interpretazioaren harira sor daitekeen edozein zalantzari buruz erabakitzea.

Oinarri hauetan aurreikusi ez den guztian diru-laguntzei buruzko azaroaren 17ko 38/2003 Lege Orokorra eta hura garatzen duen Araudia, uztailaren 21eko 887/2006 Errege Dekretuak onartua, aplikatuko dira.

#### **5. artikulua.- Publizitatea.**

Azaroaren 17ko Diru-laguntzen 38/2003 Lege Orokorraren 17.3.b eta 20.8.a artikuluetan xedatutakoaren arabera, deialdia eta oinarri arautzaileak eta haien babesean emandako diru-laguntzak udalaren web orrian [www.hernani.eus/eu/dirulaguntzak](http://www.hernani.eus/eu/dirulaguntzak), Gipuzkoako Aldizkari Ofizialean (GAOn) eta Diru-laguntzen Datu-Base Nazionalean argitaratuko dira. (<http://www.infosubvenciones.es/bdnstrans/ge/eu/index>)

## II. KAPITULUA

### DIRUZ LAGUNDU DAITEZKEEN ESKU HARTZEAK ETA ONURADUNAK

#### 6. artikulua. Diruz lagundu daitezkeen jarduerak eta gastuak.

Deialdi honen bidez lagunduko diren inbertsioak edo jarduketak 2026/11/30ean egon beharko dute burututa.

Deialdi honen ondorioetarako, diruz lagungarriak izan daitezkeen jarduketak puntu honetan sartuta dauden jarduketa guztiak izango dira:

-Hernaniko ekoizpenaren banaketarako baliabideak eskuratzeko inbertsioak.

- Ekoizpen gaitasuna handitzeko eta hobetzeko egiten diren inbertsioak: negutegiak, makineria, berotegiak, ureztatze instalazioak, itzala emateko atorrak, labore mahaiak, tutoretze materiala, baita aire libreko barazketako instalazio finkoak zein teknologia hobekuntzak etab...

- Tresna, lanabes eta makineriaren konponketa eta mantenu gastuak.

- Arkitektoen eta ingeniarien ordainsariak, baita aurreko ataletako gastuei lotutako bideragarritasun azterketa eta txostenak ere.

- Belaunaldien errelebor bideratutako aholkularitza azterketa lanak.

- Ekoizpen ekologikoa bultzatzeko egitasmoak.

- Hernaniko nekazal produktuen kontsumoa bultzatzeko ekintzak.

Nolanahi ere, aurreko puntuetan aipatu ez diren bestelako intereseko inbertsioak kontuan hartzeko aukera izango da.

#### 7. artikulua.- Diru-laguntzen gehienezko zenbatekoa eta diruz lagunduko diren gastuak.

Tokiko nekazarien eta abeltzainen ekoizpena eta banaketa sustatzeko beste jarduerak: 20.000 euro. Eskatzaile bakoitzak 2.000euro jaso ahal izango ditu gehienez.

Egindako inbertsioaren %75 lagunduko da.

Inbertsioak kalitate bereizgarri, jatorri izendapen edo ekoizpen ekologikoko ziurtagirietan jasotako ekoizpenetara zuzenduta egonez gero edo 41 urte baino gutxiagoko nekazari gazteek eginez gero edo ustategien titularra emakumea denean, laguntzak % 20 handituko dira.

Baldintza horietako bat baino gehiago betez gero, laguntzak gehienez ere % 20 handituko dira.

Era berean, EZ dira diruz laguntzeko moduko kostutzat hartuko:

\* Erositako ondasunengatik edo fakturatutako zerbitzuengatik ordaindutako BEZa eta, oro har, beste edozein zerga.

\* Funtzionamendu arrunteko gastuak: alokairu gastuak...

\* Eta oro har, argi eta garbi definituta ez dauden gastuak eta helburu zuzena oinarri hauen xedeak betetzea ez dutenak.

\*Oinarri hauen helburua betetzeko helburu zuzenik ez dutenak.

#### **8. artikulua.- Onuradunak eta hauek betebeharreko baldintzak.**

Diru-laguntza hauen onuradunak izateko ezinbesteko baldintzak dira:

- Ekoizle profesionala izatea. ATP.
- Ustiapena Hernanin kokatuta egotea.
- Gutxienez 0,5 NLU ko dimentsioa edukitzea.
- Gizarte Segurantza, Ogasuna eta Hernaniko Udalarekiko zerga betebeharretan egunean egotea.
- Diru-laguntzetarako Lege Orokorreko (azaroaren 17ko 38/2003 Legea) 13.2 eta 13.3 artikuluetan xedatutako egoeretan ez egotea.

#### **9.artikulua.-Beste diru-laguntzekiko bateragarritasuna.**

Oinarri hauetan aurreikusitako diru-laguntzak bateragarriak izango dira helburu bererako edozein Administrazio edo erakunde publiko edo pribatu, estatutik nahiz Europar Batasunetik edo nazioarteko erakundeetatik etorritako beste edozein diru-laguntza, laguntza, sarrera edo baliabiderekkin.

Beste laguntza batzuekin elkartuz gero, guztien kopuruak ezin izango du diruz lagundutako jardueren kostua gainditu. Bestela, behar den kopuruan murriztuko da deialdi honen kargura emaniko diru-laguntza.

### **III. KAPITULUA**

#### **PROZEDURA**

#### **10. artikulua.- Diru-laguntzak emateko prozedura.**

Aurkeztuko diren proiektuak irizpide propio eta zehatzen arabera baloratuko dira.

Tokiko nekazarien eta abeltzainen ekoizpena eta banaketa sustatzeko jarduerak:

Diru laguntza hau Hernaniko nekazariak eta abeltzainek ekoizpenerako beharrezkoak dituzten baliabide eta makinerian egindako inbertsioak laguntzera bideratuko da.

Banatuko den kopuruak ezin izango ditu 20.000 euroak gainditu eta kopuru hau eskatzaile guztien artean banatuko da kopuru beretan.

Eskatzaile bakoitzak gehienez 2.000 euro jaso ahal izango ditu eta gehienez ere kostu osoaren %95a lagunduko da.

#### **11. artikulua.- Eskaerak aurkezteko epea eta modua.**

Eskaerak aurkezteko epea Oinarriak eta Deialdia Gipuzkoako Aldizkari Ofizialean argitaratzen diren egunaren hurrengotik hasi eta, bi hilabetekoa izango da.

Eskaerak legezko ordezkariak edo eskatzaileak berak aurkeztu beharko ditu, Udalak prestatutako eskabide-eredu normalizatuan:

- Telematikoki, Hernaniko Udaleko erregistro elektronikoaren bidez.
- Aurrez aurre, Hernaniko Udaleko HHZ bulegoan (Herritarren Harrera Zerbitzua), Gudarien plaza 1.

#### **12. artikulua.- Eskabideak: dokumentazioa.**

Diru-laguntza hauek jaso ahal izateko, honako dokumentu hauek aurkeztu behar dituzte eskatzaileek:

- a) Diru-laguntza-eskabide normalizatua, bete eta sinatua (I. Eranskina).

- b) Diru-laguntzaren xede izango den jardueraren deskribapena eta aurrekontua (II. eranskina).
- c) Identifikazio Fiskaleko Kodea (IFK) dokumentuaren fotokopia elkarreentzat eta honen ordezkararen NA dokumentua.
- d) Eskatzailearen kontu korrontearen titulartasuna egiaztatzen duen agiria.
- e) Diru-laguntza eskatzen duen erakundearen estatutuak eta curriculumak: kideak, helburuak, egiten dituen jarduerak, etab. (sortu zenetik aldaketak izan badira).
- f) Ekoizle profesionala dela bermatzen duen agiria. (2025ko errenta aitortpena eta gutxienez NLU 0,5 edukitzea).
- g) 7. artikuluan ezarri diren baldintzak betetzen direla frogatzen duten dokumentu eta ziurtagiriak.

Nolanahi ere, aurkeztutako egitasmo/jarduerari dagokion dokumentazioaz gainera, Udalak egokitzat hartzen duen informazio osagarri osoa eskatu ahal izango die eskatzaileei, aurkeztutako instalazioa/jarduera baloratu ahal izateko.

### **Zinpeko aitortpenak**

1. Administrazioarekin Gizarte Segurantzako betebeharrak eta Zerga obligazioak egunean daudela adierazten duen zinpeko aitortpena.
2. Beste diru-sarrera batzuk (zenbatekoa adieraziko da) izanez gero eta/edo beste erakundeetan dirulaguntza eskatuz gero, hori adierazten duen zinpeko aitortpena.
3. Orokorrean edonolako dirulaguntzak jasotzea eragozten duen egoeran ez dagoela adierazten duen zinpeko aitortpena. Halaber, oinarri hauen 9. eta 10. artikuluetan zehaztutako baldintzak betetzen dituela zinez aitortu beharko dute bai eskatzaileak bai eta bizikidetzaren unitate bereko adin-nagusiko pertsona guztiek ere.

### **Baimenak**

39/2015 Legearen 28. artikuluan eta 2016/679 (EB) Erregelamenduaren 6. 1. artikuluan ezarritakoari jarraiki, Hernaniko Udalak kontsultatuko du zuzenean, NISAE elkarreragingarritasun-nodoaren bidez Eusko Jaurlaritzan, AGEN, Foru Ogasunetan eta Gipuzkoako Foru Aldundian, eta interesdunak horren aurka egiten ez badu, laguntza eskuratzeko baldintzak betetzen diren egiaztatze behar den informazioa.

- Gizarte Segurantzaren Diruzaintza Orokorra- Gizarte Segurantzarekiko betebeharren ordainketa egunean izatearen kontsulta.
- NISAE - Euskadiko eta Nafarroako Foru-ogasunak edo AEAT - Zerga-betebeharren ordainketa egunean izatearen kontsulta.
- NISAE - Foru Ogasunak- PFEZaren kontsulta.

Hernaniko Udalak zuzenean jasoko ditu erroldako eta udalaren zerga-betebeharreko datuak. Udalak datuak kontsultatzeari uko eginez gero, eskatzaileek bizikidetzaren unitateko kide guztien ekitaldiko diru-sarreraren, zergen, eta ondasun higiezinaren gaineko egiaztapenak aurkeztu beharko dituzte.

Nolanahi ere, aurkeztutako jarduerari dagokion dokumentazioaz gainera, Udalak egoki jotzen duen informazio osagarri guztia eskatu ahal izango die eskatzaileei, aurkeztutako jardueraren baloratu ahal izateko.

izateko.

### **13. artikulua.- Akatsak zuzentzea.**

Eskabideak edo harekin batera aurkeztutako dokumentazioak akatsen bat baldin badu edo osatu gabe baldin badago, interesatuei hamar laneguneko epea emango zaie, jakinarazpena jaso eta hurrengo egunetik aurrera, antzemandako hutsak konpon ditzaten.

Emandako epea amaitu eta aurkitutako akatsak konpondu ezean, eskaera bertan behera utzi dutela iritziko da, prozedura artxibatuz, Administrazio Publikoen Prozedura Erkidea arautzen duen urriaren 1eko 39/2015 Legearen 68. artikuluan xedatutakoarekin bat ebazpena eman eta gero.

### **14 artikulua.- Bideratzea.**

Espediente hauek tramitatzea eta diru laguntzak ematea Tokiko Garapeneko Udal Sailaren ardura izango da. Aipatu unitateak ofizios egin ahal izango ditu ebazpen-proposamena burutzeko datuak ezagutu edota frogatzeko beharrezkotzat jotzen dituen jarduketa guztiak.

### **15 artikulua.- Ebazpena.**

Diru-laguntzak ebazteko organo eskuduna alkatea izango da. Ebazpena eman eta jakinarazteko gehieneko epea hilabetekoa izango da, eskabideak aurkezteko epea bukatu eta hurrengo egunetik kontatzen hasita. Epe horren barnean ebazpenik eman ez bada, eskabidea baztertua izan dela ulertuko da, tarte jarri ahal diren administrazio-helegiteei begira.

Eskaera aurkezteak ez du berez ematen diru-laguntza jasotzeko eskubidea, eta diru-laguntza orori dagokion hautazko izaera izango du kontzesio horrek ere.

Diru-laguntza ematea edo ez ematea erabakiko duen Alkatearen Ebazpenak amaiera emango dio administrazio-bideari, eta haren aurka, nahi izanez gero, berraztertze errekurtsoa aurkez daiteke, administrazioarekiko auzi-errekurtsoaren aurretik, hilabete bateko epean, eman zuen organo beraren aurrean, edo bestela, Donostiako Administrazio-azietarako Epaitegiaren aurrean zuzenean inpugnatu daiteke, honen berri ematen den hurrengo egunetik hasi eta bi hilabeteko epean.

### **16 artikulua.- Diru-laguntza ordaintzea.**

Diru-laguntza modu honetan ordainduko da:

- %80ko kopurua diru-laguntza ematea onartzen denean.
- %20a justifikazio txostena aurkeztu ondoren.

Diru-laguntzaren zenbatekoa, hura bakarrik hartuta edo beste Herri Administrazio batzuen edo beste Erakunde Publiko edo pribatu batzuen beste diru-laguntza edo laguntza batzuekin batuta, ez da, inola ere, onuradunak egindako instalazioaren edo jardueraren kostua baino handiagoa izango.

Jarduerak, diru-laguntzarekin ez ezik, funts propioekin edo beste diru-laguntza edo baliabide batzuekin ere finantzatu badira, funts horien zenbatekoa eta jatorria adieraziko dira eta diruz lagundutako jardueretarako erabili direla egiaztatu beharko da justifikazioan.

### **17. artikulua.- Aurkeztu beharreko justifikazioa.**

Justifikazioa, egitasmoa bukatu eta hilabeteko epean aurkeztu beharko da eta, beranduenez, 2026ko azaroaren 30ean.

**Zuriketa egiteko, ondorengo dokumentazioa aurkeztu beharko da:**

- a) Diruz lagundu den programa edo jardueraren deskribapena eta fakturak BEZ-a gabe (III. Eranskina).
- b) Egindako gastuen justifikazio fakturak, eta ordainketa egin dela justifikatzen duen dokumentazioa.

#### **18. Artikulua.- Onuradunaren betebeharrak.**

Emandako diru laguntzak ondasun inbentariagarriak erosteko erabiltzen badira, erakunde onuradunak diru laguntzaren xederako erabili behar du eskuratutako ondasun hori, gutxienez 5 urtetan.

### **IV. KAPITULUA**

#### **KONTROLA ETA PUBLIZITATEA**

#### **19. Artikulua.- Diru-laguntzen publizitatea.**

Diru laguntzen publizitateari dagokionean, bete egingo da azaroaren 17ko 38/2003 Legearen 18. eta 20. artikuluek eta abenduaren 9ko 19/2013 Legearen 8. artikulua xedatutakoa.

#### **20. Artikulua.- Ikuskaritza eta kontrola.**

Pertsona onuradunak behartuta egongo dira diru-laguntzen kudeaketa zuzena bermatzera bideratutako ziurtatze guztiak erraztera. Eta ezingo die uko egin diru laguntza eman duen organoak egin beharreko ziurtatze jarduketei.

#### **21. Artikulua. Ez betetzea.**

Oinarri hauetan ezarritako betebeharren bat betetzen ez bada, diru-laguntza berraztertu egingo da eta, hala badagokio, baliogabetu, edo emandako diru kopurua itzuli egin beharko da.

Diru-laguntzak itzultzeko prozedura ofizioz hasiko da, laguntza edo diru-laguntza eman zuen organoaren eskariz, eta, hala badagokio, emandako diru-laguntza baliogabetzea, murriztea edo itzultzea erabaki ahal izango da, behar bezala arrazoituta. Prozeduraren izapideetan interesatuaren entzute eskubidea bermatuko da.

#### **22. Artikulua.- Adostasun-adierazpena.**

Diru-laguntzaren eskaera aurkeztean, eskatzaileak bere adostasuna ematen du eta adierazten du oinarri hauek ezagutzen dituela, deialdian ezarritako baldintza guztiak betetzen dituela eta deialdia oso-osorik onartzen duela.

#### **23. Artikulua.- Datu pertsonalen babesa.**

Eskatzaileak adierazten du eskabidean jasotako datu pertsonalak bere baimenarekin jasotzen direla, eta onartzen duela datu horiek modu automatizatuan trata daitezela, eta baimena ematen duela datu horien erabilera udal-kudeaketara soilik mugatzeko, nahiz eta datu horiek beste administrazio publiko batzuei eta haien erakundeei laga edo jakinarazi ahal izango zaizkien, Datu pertsonalak babesteko 2016ko apirilaren 27ko EB 2016/679 Erregelamendu Orokorren 6.1.e. artikuluan aurreikusitako kasuetan.